

Islamska zajednica u Bosni i Hercegovini
Muftijstvo zeničko
Medžlis Islamske zajednice Zenica

BISMILLAHIRRAHMANIRRAHIM

Pitanja iz Ilmihala 3

(Treći (III) nivo)

Osmi razred

**Medžlisa Islamske zajednice Zenica
u mektebskoj 1443. h.g. - 2021/2022. godini**

Ševval / zul kade 1443. h. g. /maj /jun 2022. g.

Pitanja iz Ilmihala 3

(Treći (III) nivo)

Osmi razred

1. Šta je potrebno za ispravnost dženaze?

Za ispravnost dženaze potrebno je: Da je umrla osoba musliman, da je okupana (ogasuljena) i zamotana u ćefine, da se nalazi ispred džemata i da joj je desna strana okrenuta prema Kibli.

2. Koji su farzovi dženaze?

- Stajanje u safovima, (lijepo je da broj safova bude neparan),
- Izgovaranje četiri tekbira za imamom pri čemu se ruke podižu samo kod početnog, prvog tekbira.

3. Koji su sunneti dženaze?

- Poslije prvog tekbira proučiti subhaneke sa dodatkom ve dželle senauke
- Poslije drugog tekbira proučiti salavate
- Poslije trećeg tekbira proučiti džennazetsku dovu
- Poslije četvrtog tekbira predati selam na desnu stranu spuštajući desnu ruku te i lijevu stranu spuštajući lijevu ruku.

4. Kako se izražava saučešće (ta'zija)

Saučešće se izražava riječima: INNA LILLAHI VE INNA ILEJHI RADŽIUN (Svi smo Allahovi i svi Mu se vraćamo), a ožalošćeni odgovara : INNALLAHE MEAS- SABIRIN (Allah je na strani onih koji su strpljivi)

5. Šta je post?

Post je suzdržavanje od jela, pića, spolnog odnosa i drugih tjelesnih uživanja od zore do zalaska sunca s namjerom približavanja Allahu dž.š.

6. Ko je oslobođen posta?

Bolesne i stare osobe kojima post predstavlja teškoću, putnici, trudnice i doilje, radnici koji rade teške fizičke poslove, zatvorenici ukoliko nemaju uvjete za post

Napomena: ove osobe moraju nadoknaditi i napostiti svoj post.

7. Šta je kada i kefaret?

KADA je nadoknada za opravdano izostavljene dane posta

KEFARET je iskup za namjerno prekinut post. Osoba koja bez ikakvog razloga ne posti ili bez ikakvog opravdanja prekine post dužna je učiniti kefaret koji se sastoji od posta 60 dana uzastopno za jedan propušten dan. Ukoliko nije u mogućnosti napostiti toliko dana obavezna je nahraniti 60 siromaha!

8. Šta je zekat?

Zekat je izdvajanje određenog dijela imovine koja dostiže vrijednost nisaba.

9. Šta je nisab?

Nisab je određena vrijednost imovine koje fizičko ili pravno lice treba posjedovati tokom cijele godine da bi postigla ili podlijegala obavezi davanja zekata. Daje se 2,5%

10. Na koju imovinu se daje zekat?

Zekat se daje na: Zlato, srebro, novac, vrijednosne papire, stoku (krupna i sitna), poljoprivredne proizvode i trgovačku robu.

11. Gdje i kome se daje zekat?

Zekat se daje u fond Bejtu-l-mal pri islamskoj zajednici u BiH, a nadalje on se dijeli shodno prioritetima među korisnicima.

12. Šta je sadekatul fitr?

To je poseban ibadet koji se izvršava u posljednjim danima Ramazana. Izdvaja se za svakog mislimana i muslimanku.

13. Koji su farzovi hadža?

- Obući ihrame,
- stajanje i boravak na Arefatu
- i tavaf obilazak oko Kabe.

14. Šta su ef-alu mukellefini?

To su šeriatski propisi koji se odnose na sve punoljetne i umno zdrave muslimane i muslimanke.

15. Kako se dijele ef-alu mukellefini?

FARZ- su vjerske dužnosti koje je Allah strogo naredi. Dije se na: fardi ajn (stroge pojedinačne dužnosti i fardi kifaje (stroge zajedničke dužnosti)

VADŽIB- su vjerske dužnosti koje je naredio Allah dž.š., ali nisu strogo kao farz. HARAM su radnje koje je Uzvišeni Allah strogo zabranio da se čine.

SUNNET je sve ono što je Muhammed a.s. rekao, radio, nama preporučio ili šutnjom odobrio da se radi. Dijeli se na: Sunneti muekede (radnje koje je Muhammed a.s. redovno radio i izvršavao) Sunneti gajri muekkede (radnje koje je Muhammed a.s. radio ali ih je i izostavljao)

MUSTEHAB su radnje koje je lijepo činiti

MEKRUH su radnje koje je pokuđeno ili ružno činiti,

MUBAH su djela koja nisu ni naređena ni zabranjena,

MUFSID su djela koja kvare vjerske obrede ili dužnosti.

16. Šta je gusul?

Gusul je vjersko kupanje muslimana i muslimanke radi čistoće, obavljanja namaza i učenja Kur'ana. Gusul je obavezan u 3 slučaja: Mužu i ženi nakon spolnog općenja, poslije izlivanja sjemene tekućine u snu ili javi uz nadražaj i ženi poslije hajza (menstruacije) i nifasa (krvarenja poslije poroda). Osoba koja se nalazi u ovome nečistom stanju naziva se džunub.

17. Koji su farzovi – šarti gusula?

Gusul ima 3 farza:

- Izaprati usta i grlo (gargara),
- nos ispuhati i isprati (istinšak),
- oprati cijelo tijelo da nigdje ne ostane suho.

18. Ko je sahibi uzur?

To je osoba kojoj neprestano teče, curi ili kapa urin, krv ili neka druga tečnost koja izlazi iz organizma. Ova osoba je obavezna za svaki namaz uzeti abdest i s jednim abdestom može klanjati samo jedan namaz.

19. Koje su dužnosti prema roditeljima?

Činiti im dobročinstvo, biti im poslušan posebno kada dožive starost, obraćati im se riječima punih poštovanja. Činiti dovu Allahu dž.š. za svoje roditelje.

20. Kako ćemo poštivati starije?

Starije prvi selamimo, pozdravljamo, u džamiji im ustupimo mjesto u prvom safu, ako im je potrebna pomoć, pomažemo im, kad stariji govore, ne prekidamo ih nego slušamo ustupimo im mjesto da sjednu...